



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphaliam illustrârunt**

Complectens eorum vitas, qui certò aut verisimiliter Natione Westphali  
reperiuntur cum titulo Sancti aut Beati

**Strunck, Michael**

**Neuhusii, 1715**

B. Rotho L. B. de Büren, Episcopus Paderbornensis Ordinis S. Benedicti

**urn:nbn:de:hbz:466:1-28481**



modestè compositis, erecta fronte, demissis oculis, additòq; Angelo, qui Beatam illius animam in cœlum transferat. Supernè inscripta sunt hæc verba: Reinildis obbt. Citum circa adjecti hi versiculi:

*Fundant quique preces pro Virgine que fuit  
heres*

*Patris defuncti; genitrix quam sponte secunda  
Conjugis occidit: mox percipiendo subivit  
Sidereas sedes, Christipia facta coheres.*

## B. ROTHO

L. B. de Büren, Episcopus

Paderbornensis, Ordinis S. Benedicti.

*Refertur cum titulo Beati in ordine Episcoporum Paderbornensium impresso auctoritate Hermannus Werneris Episcopi anno 1688. Item à Nicolao Schaten to. 1. Annal. & à D. Gerardo Ioanne à Bentim in Chronologia generali. Bernardus 4tus Episcopus Paderb. in tabulis publicis anno 1237 in lucem editis, recitatisq; à Schatenio to. 1. Annal. pag. 58. eum exornavit titulo Sancti, jubens, ut cerei de libra & media in anniversario S. Rothonis & alius æqui ponderis in anniversario S. Immedi Episcoporum ponantur ad eorum tumbas*

*Imagi*



Imago ejus picta cum radiis cernitur in ejus tum-  
 ba, quæ in choro Ecclesiæ Cathedralis etiam nunc  
 extat ad dexterum muri latus: aliæ ejusdem ima-  
 gines cum titulo Beati exhibentur in domibus Bu-  
 rana & Geistana. Unde etiam Continuatores Bol-  
 landi in Actis Ss. ad diem 28 Junii, in notis ad c. 2.  
 vite S. Heimeradi lit. 1. promittunt se de eo actu-  
 ros ad diem 6 Novembris, quo obiit. Nomen ejus  
 diversimodè refertur ab authoribus, quorum alii  
 Rothardum, alii Rudolphum, alii Ruodonem vo-  
 cant. Fuit è vetustissima familia Baronum de Bü-  
 ren: an autem ex ea, quæ in Diocesi Paderana se-  
 dem antiquam habuit; an verò ex alia, quæ ab  
 hac in Geldriam transplantata est, uti volunt Bru-  
 schius & Kerßenbrochius, adhuc dubium & in-  
 certum est. Nobis ad eum Westphalia nostra asse-  
 rendum satis est, quod à nostrate familia de Bü-  
 ren dudum inter suos agnitus & computatus fue-  
 rit: uti constat tum ex Genealogia Büranorum à  
 Religiosissimo viro & Patre Mauritio de Büren  
 Soc. Iesu edita; tum ex Epitaphio, quod anno 1400  
 ejus sepulchro adjecit Henricus L. B. de Büren Ca-  
 thedralis Ecclesiæ Paderbornensis Præpositus, ubi  
 inter alios istius ævi rudes versus ita legitur:

De Büren natus Præsul, qui Rotho vocatus,  
 Nos annis rexit ter quinis, bene protexit.



**Q**Uæ de piissimo hoc Antistite dici pos-  
 sent, plurima ex parte nobis subtraxit  
 incuria Scriptorum veterum. Natus est ex  
 antiquo sanguine Baronum de Büren, quo-  
 rum perillustre genus jam à diuturnis tempo-  
 ribus in Westphalia commendatum fuit. Vi-  
 tam Monasticam initio complexus est in mo-  
 nasterio Stabulensi, cui per ea tempora S.  
 Poppo primùm Stabulensis, post etiam S.  
 Maximini prope Treviros Abbas piissimè  
 præsidebat. Inde postmodum agente eodem  
 Poppone evocatus est ad regimen Abbatiae  
 [a] Hersfeldensis in Hassia, ut eam discordiâ  
 fratrum nonnihil perturbatam disciplinæ ac  
 fervori pristino restitueret. Quantum tem-  
 poris in hoc officio perstiterit vir devotissi-  
 mus, prior ætas incertum reliquit posteris.  
 Id solum constat ex vita S. Heimeradi, eum  
 tantâ sapientiâ & morum sanctitate Mona-  
 sterio huic prætulisse, ut ipsum religiosi om-  
 nes non alio, quàm patris amantissimi loco  
 venerati sint. Interea anno 1036 truculenta  
 mors rapiebat è vivis B. Meinwercum Eccle-  
 siæ Paderbornensis laudatissimum Præsulem  
 cujus in locum dum Conradus 2dus Impera-  
 tor virum quæreret huic muneri gerendo per-  
 idoneum

[a] Alii scribunt Herveldensis.



idoneum , ità præ aliis placuit B. Rothonis  
 perspecta virtus , ut in ejus caput hærentem  
 adhuc infulam statuerit inclinare. Nec de-  
 fuit ille sublimibus desideriis , quæ de illius  
 sanctitate in suorum subditorum animis præ-  
 cucurrerant. Vitæ genus, cui mentem suam  
 in monasterio assuefecerat, etiam in Episco-  
 pali purpura constanter tenuit, quantum oc-  
 casio permittebat : curis negotiisq; publicis,  
 quæ ad forum sæculare pertinent, haud mul-  
 tum se immiscuit, clericali solùm disciplinæ  
 & rebus Ecclesiasticis rite componendis in-  
 tentus : Ecclesias Horhusanam infra [b] E-  
 resburgum, & Sudborchensem à Wolffgan-  
 go 2do Abbate Abdinghoviano constructã  
 anno 1043 solennibus cœremoniis consecra-  
 vit : fontem , qui adhuc Rothonis dicitur  
 (vulgo *Rotherborn*) ad descensum Cathedra-  
 lis Ecclesiæ intra Paderbornam, sua pontifi-  
 cali benedictione variis morbis salutarem fe-  
 cit : tandèmq; Episcopatu suo ad annos se-  
 decim sanctissimè gesto ad vitam immortalẽ  
 evolavit anno Christi 1052, die 6 Novembris.  
 Ossa ejus , quæ primùm in navi basilicæ Ca-  
 thedralis, à B. Meinwerco de novo conditæ,  
 tumultata fuerant, postea ob eximiam sancti-  
 tatis

S 4

tatis

[b] *Aliàs Stadberga.*



tatis famam translata sunt ad chorum superiorem, collocatâq; ad dexterum muri latus, ubi adhuc ejus monumentum cernitur variis Divorum imaginibus illustratum, quos inter media Bñâ Virgo amplectitur cæteros patronos ac conditores cum his eorum inscriptionibus : *S. Leo hujus Ecclesiæ consecrator*, *S. Liborius hujus Ecclesiæ patronus*, *S. MARIA patrona*, *S. Kilianus patronus*, *B. Meinwercus reparator*, *S. Karolus fundator hujus Ecclesiæ*. Circùm Rothonis pulvillo incumbentis caput etiam circumducti sunt radii, quales in Ss. imaginibus passim depingi solent. Apposita est statua B. Virginis, ad cujus dexterum latus procumbit B. Rothonis pater adjecto signo gentilitio Baronum de Büren; ad sinistrum ejusdem mater, in cujus scuto insculpta est rosa : unde forsan liceret conjicere, eam ex prosapia Comitum Lippiensium ortam esse.

